



佛說阿彌陀經要解

淨空敬題



佛說阿彌陀經要解

姚秦三藏法師鳩摩羅什譯

西有沙門智旭解

原夫諸佛憫念羣迷隨機施化雖歸元無二而方

即心是佛 即佛是心

便多門然於一切方便中求其至直捷至圓頓者

莫若念佛求生淨土又於一切念佛法門中求其

不簡機務 不假方便

至簡易至穩當者莫若信願專持名號是故淨土

三經並行古人獨以彌陀經為日課豈非持名一

法普被三根攝事理無遺統宗教無外尤不可思

淨要一

彌陀要解

一

議也哉註疏代不乏人世溷所存無幾雲棲疏鈔

廣大精微幽谿圓中鈔高深洪博如二曜中天有

目皆覩特以文富義繁邊涯莫測致初機淺識信

願難階故弗揣庸愚再述要解不敢與二翁競異

亦不敢與二翁強同也將釋經文五重玄義

第一釋名此經以能說所說人為名佛者此土能

說之教主即釋迦牟尼乘大悲願力生五濁惡世

自覺 覺他

覺行 圓滿

以先覺覺後覺無法不知無法不見者也說者悅

所懷也佛以度生為懷眾生成佛機熟為說難信

法令究竟。脫故悅也。阿彌陀所說彼土之導師。以四十八願接信願念佛眾生。極樂世界永階不退者也。梵語阿彌陀。此云無量壽。亦云無量光。要之功德智慧神通道力。依正莊嚴說法化度。一一無量也。一切金口通名爲經。對上五字是通別合爲題也。教行理三各論通別。廣如台藏所明。

第二辨體。大乘經皆以實相爲正體。吾人現前一

◎此◎深◎研◎痛◎拶◎不◎可◎徒◎落◎在◎語◎言◎作◎道◎理◎領◎過

念心性不在內不在外不在中間非過去非現在非未來非青黃赤白長短方圓非香非味非觸非

淨要一

彌陀要解

三  
四

法覓之了不可得而不可言其無。具造百界千如而不可言其有。離一切緣慮分別語言文字相。而緣慮分別語言文字非離此別有自性。要之離一切相。卽一切法。離故無相。卽故無不相。不得已強名實相。實相之體非寂非照。而復寂而恆照。照而恆寂。照而寂。強名常寂光土。寂而照。強名清淨法身。又照寂。強名法身。寂照。強名報身。又性德寂照名法身。修德寂照名報身。又修德照寂名受用身。修德寂照名應化身。寂照不二。性修不二。身土不

二無非實相。實相無二亦無不二。是故舉體作依。  
作正作法作報作自作他。乃至能說所說能度所釋迦 彌陀 佛  
度。能信所信能願所願能持所持能生所生能讚生 心 法 欣厭 極樂 三業 名號 三寶 四淨土 釋迦諸佛  
所讚無非實相正印之所印也。  
彌陀依正

第三明宗。宗是修行要徑。會體樞機而萬行之綱領也。提綱則眾目張。挈領則襟袖至。故體後應須辨宗。此經以信願持名爲修行之宗要。非信不足啟願。非願不足導行。非持名妙行不足滿所願而證所信。經中先陳依正以生信。次勸發願以導行。

淨要一

彌陀要解

五 六

次示持名以徑登不退。信則信自信。他信因信果。信事信理。願則厭離娑婆。欣求極樂。行則執持名號。一心不亂。信自者。◎學◎者◎願◎從◎者◎裏◎死◎盡◎偷◎心信我現前一念之心。本非肉團。亦非緣影。豎無初後。橫絕邊涯。終日隨緣。終日不變。十方虛空。微塵國土。我一念心中所現物。我雖昏迷倒惑。苟一念回心。決定得生。自心本具。極樂更無疑慮。是名信自信。他者。信釋迦如來。決無誑語。彌陀世尊。決無虛願。六方諸佛。廣長舌。決無二言。隨順諸佛。真實教誨。決志求生。更無疑惑。

是名信他信因者深信散亂稱名猶為成佛種子  
以教為他  
 况一心不亂安得不生淨土是名信因信果者深  
以念佛為因  
 信淨土諸善聚會皆從念佛三昧得生如種瓜得  
 瓜種豆得豆亦如影必隨形響必應聲決無虛棄  
以已生者為果  
 是名信果信事者深信只今現前一念不可盡故  
 依心所現十方世界亦不可盡實有極樂國在十  
以境為事  
 萬億土外最極清淨莊嚴不同莊生寓言是名信  
 事信理者深信十萬億土實不出我今現前介爾  
 一念心外以吾現前一念心性實無外故又深信

淨要一

彌陀要解

七八

西方依正主伴皆吾現前一念心中所現影全事  
 卽理全妄卽真全修卽性全他卽自我心徧故佛  
 心亦徧一切眾生心性亦徧譬一室千燈光光互  
以法界為理  
 徧重重交攝不相妨礙是名信理如此信已則娑  
此卽理之事  
 婆卽自心所感之蕨而自心蕨理應厭離極樂卽  
此卽事之理  
 自心所感之淨而自心淨理應欣求厭蕨須捨至  
此卽事之理  
 究竟方無可捨欣淨須取至究竟方無可取故妙  
 宗云取捨若極與不取捨亦非異轍設不從事取  
 捨但尙不取不捨卽是執理廢事既廢於事理亦

不圓若達全事卽理則取亦卽理捨亦卽理一取  
一捨無非法界故次信而明願也言執持名號一  
心不亂者名以召德德不可思議故名號亦不可  
思議名號功德不可思議故使散稱爲佛種執持  
登不退也然諸經示淨土行萬別千差如觀像觀  
想禮拜供養五悔六念等一一行成皆生淨土唯  
持名一法收機最廣下手最易故釋迦慈尊無問  
自說特向大智舍利弗拈出可謂方便中第一方  
便教經了義中無上了義圓頓中最極圓頓故云明珠

淨要一

彌陀要解

一〇九

投於濁水濁水不得不清佛號投於亂心亂心不  
得不佛也信願持名以爲一乘真因四種淨土以  
爲一乘妙果舉因則果必隨之故以信願持名爲  
經正宗其四種淨土之相詳在妙宗鈔及梵網玄  
義茲不具述俟後釋依正文中當略示耳  
第四明力用此經以往生不退爲力用往生有四  
土各論九品且略明得生四土之相若執持名號  
未斷見思隨其或散或定於同居土分三輩九品  
若持至事一心不亂見思任運先落則生方便有

餘淨土。若至理一心不亂。豁破無明一品。乃至四十一品。則生實報莊嚴淨土。亦分證常寂光土。若無明斷盡。則是上上實報究竟寂光也。不退有四義。一念不退。破無明顯佛性。徑生實報分證寂光。二行不退。見思既落塵沙亦破。生方便土。進趨極果。三位不退。帶業往生在同居士蓮花托質。永離退緣。四畢竟不退。不論至心散心。有心無心。或解不解。但彌陀名號。或六方佛名。此經名字一經於耳。假使千萬劫後。畢竟因斯度脫。如聞塗毒鼓遠。

近皆喪食。少金剛決定不消也。復次祇帶業生同居淨證位不退者。皆與補處俱。亦皆一生必補佛位。夫上善一處是生同居。卽已橫生上三土。一生補佛是位不退。卽已圓證三不退。如斯力用。乃千從○來○未○經萬論。所未曾有。較彼頓悟。正經○道○徹○如○此○因。僅爲出塵階漸。生生不退。始可期於佛階者。不可同日語矣。宗教之士如何勿思。

第五教相。此大乘菩薩藏攝。又是無問自說。徹底大慈之所加持。能令末法多障有情。依斯徑登不

退故當來經法滅盡特留此經住世百年廣度含  
識阿伽陀藥萬病總持絕待圓融不可思議華嚴願王  
奧藏法華祕髓一切諸佛之心要菩薩萬行之司  
南皆不出於此矣欲廣歎述窮劫莫盡智者自當  
知之

入文爲三初序分二正宗分三流通分解中判

爾時下三十八字爲別序判六方佛爲流通

初善中善後善序如首五官具存正宗如身臟

與古不同故科釋之

腑無闕流通如手足運行不滯故智者釋法華

初一品皆爲序後十一品半皆爲流通又一時

淨要一

彌陀要解

一三  
一四

迹本二門各分三段則法師等五品皆爲迹門  
流通蓋序必提一經之綱流通則法施不壅關  
係非小後人不達見經文稍涉義理便判人正  
宗致序及流通僅存故套安所稱初語亦善後  
語亦善也哉

①初序分二初通序二別序②初中二初標法會  
時處二引大眾同聞③今初

如是我聞一時佛在舍衛國祇樹給孤獨園

如是標信順我聞標師承一時標機感佛標教主

舍衛等標說經處也。實相妙理古今不變名如依  
實相理念佛求生淨土決定無非曰是實相非我  
非無我阿難不壞假名故仍稱我耳根發耳識親  
聆圓音如空印空名聞時無實法以師資道合說  
聽周足名一時自覺覺他覺行圓滿人天大師名  
佛舍衛此云闍物中印度大國之名波斯匿王所  
都也匿王太子名祇陀此云戰勝匿王大臣名須  
達多此云給孤獨給孤長者布金買太子園供佛  
及僧祇陀感歎施餘未布少地故並名祇樹給孤

淨要一

彌陀要解

一五

一六

獨園也

③二引大眾同聞三初聲聞眾二菩薩眾三天人  
眾聲聞居首者出世相故常隨從故佛法賴僧  
傳故菩薩居中者相不定故不常隨故表中道  
義故天人列後者世間相故凡聖品雜故外護  
職故④初聲聞眾又三初明類標數二表位歎  
德三列上首名⑤今初

與大比丘僧千二百五十人俱

大比丘受具足戒出家人也比丘梵語含三義一

乞士。隻鉢資身。無所蓄藏。專求出要。二破惡。正慧  
觀察。破煩惱。惡不墮。愛見。三怖魔。發心受戒。羯磨  
成就。魔即怖也。僧者。具云。僧伽。此翻和合眾。同證  
無為。解脫。名理和身同住。口無諍意。同悅見。同解  
戒。同修利。同均名事。和也。千二百五十人者。三葉  
波師。資共千人。身子目連。師資二百人。耶舍子等  
五十人。皆佛成道。先得度脫。感佛深恩。常隨從也。

⑤ 二表位歎德

皆是大阿羅漢。之位其德為眾所知識。

淨要一

彌陀要解

一七  
一八

阿羅漢亦含三義。一應供。即乞士果。二殺賊。即破  
惡果。三無生。即怖魔果。復有慧解脫。俱解脫。無疑  
解脫。三種不同。今是無疑解脫。故名大。又本是法  
身大士。示作聲聞。證此淨土。不思議法。故名大也。  
從佛轉輪。廣利人天。故為眾所知識。

⑥ 三列上首名

長老舍利弗。

此云身子

摩訶目犍連。

大采菽氏

摩訶迦葉。

大飲光

摩訶迦旃延。

大文飾

摩訶拘絺羅。

大膝

離婆多。

星宿

周利槃

陀伽。

繼道難陀喜

阿難陀。

慶喜

羅睺羅。

覆障

憍梵波提。

牛寶

頭盧頗羅墮不動迦留陀夷黑摩訶劫賓那房薄拘  
羅善容阿菟樓駄無如是等諸大弟子

德臘俱尊故名長老身子尊者聲聞眾中智慧第一  
目連尊者神通第一飲光尊者身有金光傳佛  
心印為初祖頭陀行第一文飾尊者婆羅門種論  
議第一大膝尊者答問第一星宿尊者無倒亂第  
一繼道尊者因根鈍僅持一偈辯才無盡義持第  
一喜尊者佛之親弟儀容第一慶喜尊者佛之堂  
第復為侍者多聞第一覆障尊者佛之太子密行

淨要一

彌陀要解

一九  
二〇

第二牛呵尊者宿世惡口感此餘報受天供養第  
一不動尊者久住世間應末世供福田第一黑光  
尊者為佛使者教化第一房宿尊者知星宿第一  
善容尊者壽命第一無貧尊者亦佛堂弟天眼第  
一此等常隨眾本法身大士示作聲聞為影響眾  
今聞淨土攝受功德得第一義悉檀之益增道損  
生自淨佛土復名當機眾矣

丁二菩薩眾

并諸菩薩摩訶薩文殊師利此云妙德法王子阿逸多此云

無能勝彌勒 菩薩乾陀訶提 此云不休息 菩薩常精進菩薩與如是等諸大菩薩

菩薩摩訶薩此云大道心成就有情乃悲智雙運自他兼利之稱佛爲法王文殊紹佛家業名法王子菩薩眾中智慧第一非勇猛實智不能證解淨土法門故居初彌勒當來成佛現居等覺以究竟嚴淨佛國爲要務故次列不休息者曠劫修行不暫停故常精進者自利利他無疲倦故此等深位菩薩必皆求生淨土以不離見佛不離聞法不離

淨要一

彌陀要解

一一一  
一一一

不◎可◎忽◎過 親近供養眾僧乃能速疾圓滿菩提故

丁 三天人眾

及釋提桓因等無量諸天大眾俱

釋提桓因此云能爲主卽忉利天王等者下等四王上等夜摩兜率化樂他化色無色無量諸天也大眾俱謂十方天人八部脩羅人非人等無不與會無非淨土法門所攝之機也通序竟

二別序發起序也淨土妙門不可思議無人能問佛自唱依正名字爲發起又佛智鑿機無謬

見此大眾應聞淨土妙門而獲四益故不俟問更自發起如梵網下卷自唱位號云我今盧舍那等智者判作發起序列可知也。

爾時佛告長老舍利弗從是娑婆世界西方過十萬億佛

土有世界名曰極樂其土有佛號阿彌陀今現在說法

淨土法門三根普攝絕待圓融不可思議圓收圓

超一切法門甚深難信故特告大智慧者非第一

智慧不能直下無疑也西方者橫亘直西標示現

○從○未○

淨要一

彌陀要解

一三三  
一三四

處也十萬億者千萬曰億今積億至十萬也佛土者三千大千世界通為一佛所化且以此土言之。一須彌山東西南北各一洲同一日月所照一鐵圍山所遶名一四天下。千四天下名小千世界。千小千名中千世界。千中千名大千世界。過如此佛土十萬億之西是極樂世界也。問何故極樂在西方。答此非善問假使極樂在東汝又問何故在東豈非戲論。况自十一萬億佛土視之又。在東矣。何足致疑。有世界名曰極樂。序依報國土之名也。豎

妙答從○來○答○者○反○添○戲○論

約三際以辨時劫橫約十方以定疆隅故稱世界

極樂國梵語須摩提亦云安養安樂清泰等乃永

離眾苦第一安隱之謂如下廣釋然佛土有四各

分淨穢凡聖同居土五濁重者穢五濁輕者淨方

便有餘土析空拙度證入者穢體空巧度證入者

淨實報無障礙土次第三觀證入者穢一心三觀

證入者淨常寂光土分證者穢究竟滿證者淨今

云極樂世界正指同居淨土亦即橫具上三淨土

也。此論修德不論性德性德則一切微塵法爾具

足四種淨穢佛土今約信願行三彌陀名號不

淨要一

彌陀要解

二五  
二六

思議故能令凡夫所感同居極樂最極清淨也此  
則十方佛土所無極樂同居獨擅方是極樂淨土  
宗旨下明有佛號阿彌陀序正報教主之名也翻  
義處皆然

譯如下廣釋佛有三身各論單複法身單指所證

理性報身單指能證功德智慧化身單指所現相

好色像法身複者自性清淨法身離垢妙極法身

報身複者自受用報身他受用報身化身複者示

生化身應現化身又佛界化身隨類化身雖辨單

複三身實非一非三而三而一不縱橫不並別離

過絕非不可思議今云阿彌陀佛正指同居土中

見故 ④以佛身 ⑤總橫 ⑥四土 ⑦現故

示生化身仍復卽報卽法也復次世界及佛皆言

四悉檀

有者具四義的標實境令欣求故誠語指示令專

非魔

一故簡非乾城陽燄非權現曲示非緣影虛妄非

保真偏但破魔邪權小故非權破華嚴合論之譌

非邪破末世積迷之習

此二料簡尤圓彰性具令深證故今現在說法者

大有關係

對此土釋迦不久住彌勒未生無

簡上依正二有非過去已滅非未來未成正應發

現佛可依

願往生親觀聽法速成正覺也復次二有現在勸

信序也世界名極樂勸願序也佛號阿彌陀勸持

名妙行序也復次彌陀序佛說法序法現在海會

淨要一

彌陀要解

二七  
二八

序僧佛法僧同一實相序體此字指一體三寶從此起信願行序宗

信願行成必得往生見佛聞法序用唯一佛界為是眞

指南

所緣境不雜餘事序教相也言略意周矣初序分

竟

甲二正宗分三初廣陳彼土依正妙果以啟信二

特勸眾生應求往生以發願三正示行者執持

名號以立行信願持名一經要旨信願為慧行

語如山岳不可動移

持名為行行得生與否全由信願之有無品位

高下全由持名之深淺故慧行為前導行行為

正修如目足並運也。乙初文爲二初依報妙二  
正報妙。丙初又二初徵釋。二廣釋。丁初又二初  
徵。二釋。戊今初

舍利弗彼土何故名爲極樂

戊二釋二初約能受用釋二約所受用釋。己今初  
其國眾生無有眾苦但受諸樂故名極樂

眾生是能受用人等覺以還皆可名今且約人民  
言以下下例上上也娑婆苦樂雜其實苦是苦苦  
偏身心故樂是壞苦不久住故非苦非樂是行苦

○淨○宗○不○思○議○在○此○

淨要一

彌陀要解

眾苦極樂映釋

二九  
三〇

性遷流故彼土永離三苦不同此土對苦之樂乃  
名極樂。一往分別同居五濁輕無分段八苦但受  
不病不老自在遊行天食天衣諸善聚會等樂方  
便體觀巧無沈空滯寂之苦但受遊戲神通等樂  
實報心觀圓無隔別不融之苦但受無礙不思議  
樂寂光究竟等無法身滲漏眞常流注之苦但受  
稱性圓滿究竟樂。然同居眾生以持名善根福德  
同佛故圓淨四土。圓受諸樂也。復次極樂最勝不  
在上三土而在同居。良以上之則十方同居遜其

○方○是○極○樂○淨○宗○

殊特下又可與此土較量所以凡夫優入而從容  
橫超而度越佛說苦樂意在於此

②二約所受用釋此亦轉釋上無有眾苦但受諸樂之故下廣釋一科亦然

又舍利弗極樂國土七重欄楯以嚴七重羅網以嚴

七重行樹以嚴皆是四寶周匝圍繞是故彼國名為

極樂

七重表七科道品四寶表常樂我淨四德周匝  
繞者佛菩薩等無量住處也皆四寶則自功德深  
周匝繞則他賢聖徧此極樂真因緣也此等莊嚴

淨要一

彌陀要解

三一  
三一

同居淨土是增上善業所感亦圓五品觀所感以  
緣生勝妙五塵為體方便淨土是即空觀智所感  
亦相似三觀所感以妙真諦無漏五塵為體實報  
淨土是妙假觀智所感亦分證三觀所感以妙俗  
諦無盡五塵為體常寂光土是即中觀智所感亦  
究竟三觀所感以妙中諦稱性五塵為體欲令易  
解作此分別實四土莊嚴無非因緣生法無不即  
空假中所以極樂同居淨境真俗圓融不可限量  
下皆做此問寂光惟理性何得有此莊嚴答一一

莊嚴全體理性。一一理性具足莊嚴。方是諸佛究竟依果。若寂光不具勝妙五塵。何異偏眞法性。

了二廣釋二初別釋所受二合釋能受所受。戊初

又二初釋生處二結示佛力。巳今初

又舍利弗。極樂國土有七寶池。八功德水充滿其中。池底純以金沙布地。四邊階道金銀瑠璃。玻瓈合成。上有樓閣亦以金銀瑠璃。玻瓈。瑠璃。赤珠。瑪瑙而嚴飾之。池中蓮華大如車輪。青色。青光。黃色。黃光。赤色。赤光。白色。白光。微妙香潔。

淨要一

彌陀要解

三三  
三四

上明住處。今明生處。寶池金銀等所成。不同此方

對待而論

絕待之樂爲濁世眾生須

土石也。入功德者。一澄清異。此方渾濁。二清冷異。寒熱三甘美異。鹹淡劣味。四輕軟異。沈重五潤澤異。滿腐褪色。六安和異。急暴。七除飢渴異。生冷。八長養諸根異。損壞諸根及疹戾增病沒溺等也。充滿其中。異枯竭汎濫。底純金沙異。汗泥。階道四寶異。磚石。陛級名階。坦途名道。重屋名樓。岑樓名閣。七寶樓閣異。此方土木丹青也。樓閣是住處。及法會處。但得寶池蓮胞。開敷便可登四岸入法會見。

佛聞法也。華輪者。輪王金輪大四十里。且舉最小者言。若據觀經及無量壽會大小實不可量。由同居淨土身相不等故也。青色名優鉢羅。黃色名拘勿頭。赤色名鉢頭摩。白色名芬陀利。由生身有光。故蓮胞亦有光。然極樂蓮華光色無量。此亦略言耳。微妙香潔。略歎蓮華四德。質而非形。曰微無礙。曰妙。非形則非塵。故潔也。蓮胞如此。生身可知。

②二結示佛力

舍利弗。極樂國土成就如是功德莊嚴。

淨要一

彌陀要解

三五  
三六

此義約佛

明上住處。生處種種莊嚴。皆阿彌陀佛大願大行。稱性功德之所成就。故能徧嚴四種淨土。普攝十方三世一切凡聖。令往生也。復次佛以大願作眾生多善根之因。以大行作眾生多福德之緣。令信願持名者。念念成就。如是功德。而皆是已成。非今非當。此則以阿彌種種莊嚴。作增上本質。帶起眾生。自心種種莊嚴。全佛卽生。全他卽自。故曰成就。如是功德莊嚴。

⑤二合釋能受所受。又二初約五根五塵。明受用。

次約耳根聲塵明受用⑤初又二初正明二結

示⑥今初

又舍利弗。彼佛國土。中空常作天樂。下黃金為地。中晝

夜六時。雨天曼陀羅華。上嚴空界。下嚴金地。其土眾生常以清

旦。各以衣祴。盛眾妙華。供養他方十萬億佛。卽以食

時。還到本國。飯食經行。

樂是聲塵。地是色塵。華是色香二塵。食是味塵。盛

華散華。經行是觸塵。眾生五根對五塵。可知常作

者。卽六時也。黃金為地者。七寶所嚴地界體是黃

淨要一

彌陀要解

三七

三八

金也。日分初中後。名晝三時。夜分初中後。名夜三

時。故云晝夜六時。然彼土依正各有光明。不假日

月安分晝夜。且順此方假說分際耳。曼陀羅。此云

適意。又云白華。衣祴是盛華器。眾妙華明。非曼陀

羅一種。應如妙經四華表。四因位。供養他方佛表

真因會趨極果。果德無不徧也。且據娑婆言十萬

億佛。意顯生極樂。已還供釋迦彌勒。皆不難耳。若

阿彌神力所加。何遠不到哉。食時卽清旦。故云卽

以明其神足不可思議。不離彼土。常徧十方。不假

逾時回還也。此文顯極樂一聲一塵一刹那乃至跨步彈指悉與十方三寶貫徹無礙。又顯在娑婆則濁重惡障與極樂不隔而隔。生極樂則功德甚深與娑婆隔而不隔也。飯食經行者念食食至不假安排。食畢鉢去不勞舉拭。但經行金地華樂娛樂任運進修而已。

庚二結示

舍利弗極樂國土成就如是功德莊嚴

巳二約耳根聲塵明受用。以此方耳根最利故別

淨要一

彌陀要解

三九

四〇

就法音廣明。其實極樂攝法界機五塵一一圓妙出生一切法門也。又二初別明二總結庚初。中二初化有情聲二化無情聲辛初又二初鳥音法利二徵釋略顯壬今初。

復次舍利弗彼國常有種種奇妙雜色之鳥。白鶴孔雀鸚鵡舍利迦陵頻伽共命之鳥。是諸眾鳥晝夜六時出和雅音。其音演暢五根五力七菩提分八聖道分。如是等法。其土眾生聞是音已。皆悉念佛念法念僧。

種種奇妙雜色言多且美也。下略出六種。舍利舊云鶯鷲琦禪師云是春鶯或然迦陵頻伽此云妙音。未出殼時音超眾鳥。其命一身兩頭。識別報同。此二種西域雪山等處有之。皆寄此間愛賞者言其似而已。六時出音則知淨土不以鳥棲為夜。良以蓮華托生之身本無昏睡不假夜臥也。五根等者三十七道品也。所謂四念處。一身念處。二受念處。三心念處。四法念處。四正勤。一已生惡法令斷。二未生惡法不令生。三未生善法令生。四已生善

法令增長。四如意足。一欲如意足。二進如意足。三心如意足。四思惟如意足。五根者。信正道及助道。法名信根。行正道及諸助道善法。勤求不息。名精進根。念正道及諸助道善法。更無他念。名念根。攝心在正道及諸助道善法中。相應不散。名定根。為正道及諸助道善法。觀於苦等四諦。名慧根。五力者。信根增長。能破疑惑。破諸邪信。及破煩惱。名信力。精進根增長。破種種身心懈怠。成辦出世大事。名精進力。念根增長。破諸邪念。成就一切出世正

念功德名念力。定根增長能破亂想發諸事理。禪定名定力。慧根增長能遮通別諸惑發真無漏名慧力。七菩提分亦名七覺分。智慧觀諸法時善能簡別真偽不謬取諸虛偽法名擇法覺分。精進修諸道法時善能覺了不謬行於無益苦行常勤心在真法中行名精進覺分。若心得法喜善能覺了此喜不依顛倒之法而喜住真法喜名喜覺分。若斷除諸見煩惱之時善能覺了除諸虛偽不損真正善根名除覺分。若捨所見念著境時善能覺了

所捨之境虛偽不實永不追憶名捨覺分。若發諸禪定之時善能覺了諸禪虛假不生愛見妄想名定覺分。若修出世道時善能覺了常使定慧均平或心沈沒當念用擇法精進喜三覺分以察起之或心浮動當念用除捨定三覺分以攝持之。調和適中名念覺分。八聖道分亦名八正道分。修無漏行觀見四諦分明名正見。以無漏心相應思惟動發覺知等量爲令增長入大涅槃名正思惟。以無漏慧除四邪命攝諸口業住一切正語中名正語。

以無漏慧除身一切邪業住清淨正身業中名正業。以無漏慧通除三業中五種邪命住清淨正命。中名正命。五邪命皆為利養一詐現異相奇特二自說功德三占相吉凶為人說法四高聲現威令人敬畏五說所得供養以動人心以無漏慧相應勤精進修涅槃道名正精進。以無漏慧相應念正道及助道。皆有訂法名正念。以無漏慧相應入定名正定。此等道品為之功依生滅四諦而修。卽藏教道品。依無生四諦而修。卽通教道品。依無量四諦而修。卽別教道品。依無作四諦而修。卽圓教道品。藏道品名半字法門。淨

淨要一

彌陀要解

四五  
四六

土濁輕似不必用。為小種先熟者或暫用之。通道品名大乘初門。三乘共稟同居淨土多說之。別道品名獨菩薩法同居方便淨土多說之。圓道品名無上佛法有利根者於四淨土皆得聞也。如是等法者。等前念處正勤如意足等。餘四攝六度十力無畏無量法門也。三十七品收法雖盡。而機緣不。等作種種開合名義不同。隨所欲聞無不演暢。故令聞者念三寶發菩提心。伏滅煩惱也。灼見慈威。此三句各具四益詳見下禪念二寶中不可思議故念佛法喜入心。法味充足故念法同

聞共稟一心修證故念僧能念卽是三觀所念三寶有別相一體及四教意義三諦權實之不同如上料簡道品應知

⑤二徵釋略顯

舍利弗汝勿謂此鳥實是罪報所生所以者何彼佛國土無三惡道舍利弗其佛國土尙無惡道之名何況有實是諸眾鳥皆是阿彌陀佛欲令法音宣流變化所作

徵釋可知問白鶴等非惡道名耶答旣非罪報則

淨要一

彌陀要解

四七  
四八

◎名◎字◎法◎界◎不◎思◎議◎如◎此◎  
一◎一◎名◎字◎皆◎詮◎如◎來◎究◎竟◎功◎德◎所◎謂◎究◎竟◎白◎鶴◎等◎  
無◎非◎性◎德◎美◎稱◎豈◎惡◎名◎哉◎問◎化◎作◎眾◎鳥◎何◎義◎答◎有◎  
此經悉檀皆是第一義中具下三悉  
四◎悉◎檀◎因◎緣◎凡◎情◎喜◎此◎諸◎鳥◎順◎情◎而◎化◎令◎歡◎喜◎故◎  
鳥◎尙◎說◎法◎令◎聞◎生◎善◎故◎不◎於◎鳥◎起◎下◎劣◎想◎對◎治◎分◎  
別◎心◎故◎鳥◎卽◎彌◎陀◎令◎悟◎法◎身◎平◎等◎無◎不◎具◎無◎不◎造◎  
故◎此◎中◎顯◎微◎風◎樹◎網◎等◎音◎及◎一◎切◎依◎正◎假◎實◎當◎體◎  
法界標指  
卽◎是◎阿◎彌◎陀◎佛◎三◎身◎四◎德◎毫◎無◎差◎別◎也◎

⑥二化無情聲

舍利弗彼佛國土微風吹動諸寶行樹及寶羅網出

微妙音譬如百千種樂同時俱作聞是音者自然皆  
生念佛念法念僧之心

情與無情同宣妙法四教道品無量法門同時演  
說隨類各解能令聞者念三寶也念三寶是從悉  
檀獲益凡夫創聞大踊徧身是歡喜益與三寶氣  
分交接必能發菩提心是生善益由此伏滅煩惱  
是破惡益證悟一體三寶是入理益也初別明竟  
庚二總結

舍利弗其佛國土成就如是功德莊嚴

淨要一

彌陀要解

四九  
五〇

重重結示令深信一切莊嚴皆導師願行所成種  
智所現皆吾人淨業所感唯識所變佛心生心互  
為影質如眾燈明各徧似一全理成事全事即理  
佛性修皆是性生是修  
全性起修全修在性亦可深長思矣奈何離此淨  
離土談心定是緣影妄想  
土別譚唯心淨土甘墮鼠即鳥空之誚也哉初依  
報妙竟

丙二正報妙二初徵釋名號二別釋主伴丁初中  
深契佛意  
二初徵二釋戊今初

舍利弗於汝意云何彼佛何故號阿彌陀

此經的示持名妙行故特徵釋名號欲人深信萬德洪名不可思議一心執持無復疑貳也

⑤二釋二初約光明釋二約壽命釋阿彌陀正翻

無量本不可說本師以光壽二義收盡一切無

量光則橫徧十方壽則豎窮三際橫豎交徹卽

法界體舉此體作彌陀身土亦卽舉此體作彌

陀名號是故彌陀名號卽眾生本覺理性持名

卽始覺合本始本不二生佛不二故一念相應

一念佛念念相應念念佛也④今初

淨要一

彌陀要解

五一  
五一

舍利弗被佛光明無量照十方國無所障礙是故號

爲阿彌陀

心性寂而常照故爲光明今徹證心性無量之體

故光明無量也諸佛皆徹性體皆照十方皆可名

無量光而因中願力不同隨因緣立別名彌陀爲

法藏比巨發四十八願有光明恆照十方之願今

果成如願也法身光明無分際報身光明稱眞性

此則佛佛道同應身光明有照一由旬者十百千

由旬者一世界十百千世界者唯阿彌普照故別

名無量光。然三身不一不異。爲令眾生得四益。故作此分別耳。當知無障礙。約人民言。山眾生與佛。光皆照十方何勞頌祝緣深。故佛光到處。一切世間無不圓見也。

②二約壽命釋

又舍利弗。彼佛壽命及其人民。壽命皆無量無邊。阿僧祇劫。故名阿彌陀。

心性照而常寂。故爲壽命。今徹證心性無量之體。故壽命無量也。法身壽命無始無終。報身壽命有始無終。此亦佛佛道同。皆可名無量壽。應身隨願。

隨機延促不等。法藏願王有佛及人壽命皆無量之願。今果成如願。別名無量壽也。阿僧祇無邊無量。皆算數名。實有量之無量。然三身不一。異應身亦可。卽是無量之無量矣。及者超略之辭。謂等覺以還。其者同體之辭。謂佛壽命卽人民壽命。當知光壽名號。皆本眾生建立。以生佛平等能令持名者。照與光融。壽同佛寂也。復次由無量光義。故眾生。生極樂。卽生十方。見阿彌陀佛。卽見十方諸佛。能自度。卽普利一切。由無量壽義。故極樂人民。卽

是○一○生○補○處○皆○定○此○生○成○佛○不○至○異○生○當○知○離○卻○  
現○前○一○念○無○量○光○壽○之○心○何○處○有○阿○彌○陀○佛○名○號○  
而○離○卻○阿○彌○陀○佛○名○號○何○由○徹○證○現○前○一○念○無○量○  
光○壽○之○心○願○深○思○之○願○深○思○之○

①二別釋主伴二初別釋二結示②初又二初主  
二伴③今初此亦釋別序中今現在說法句

舍利弗阿彌陀佛成佛已來於今十劫

此明極樂世界教主成就也然法身無成不成不  
應論劫報身因圓果滿名成應身為物示生名成

淨要一

彌陀要解

五五  
五六

皆可論劫又法身因修德顯亦可論成論劫報身  
別無新得應身如月印川亦無成不成不應論劫  
但諸佛成道各有本迹本地並不可測且約極樂  
示成之迹而言卽是三身一成一切成亦是非成  
非不成而論成也又佛壽無量今僅十劫則現在  
說法時正未央普勸三世眾生速求往生同佛壽  
命一生成辦也又下文無數聲聞菩薩及與補處  
皆十劫所成就正顯十方三世往生不退者多且  
易也

④二件

又舍利弗。彼佛有無量無邊聲聞弟子。皆阿羅漢。非是算數。之所能知。諸菩薩眾。亦復如是。

他方定性二乘。不得生彼。若先習小行。臨終迴向菩提。發大誓願者。生彼國已。佛順機說法。令斷見思。故名羅漢。如別教七住斷見思之類。非實聲聞也。蓋藏通二教。不聞他方佛名。今聞彌陀名號。信願往生。總屬別圓二教所攝機矣。

⑤二結示

淨要一

彌陀要解

五七  
五八

舍利弗。彼佛國土。成就如是功德莊嚴。

佛及聲聞菩薩。並是彌陀因中願行所成。亦是果上。一成一。成是則佛菩薩聲聞。各各非自非他。自他不二。故云成就。如是功德莊嚴。能令信願持名者。念念亦如是成就也。初廣陳彼土依正妙果。以啟信竟。

②二特勸眾生。應求往生。以發願二。初揭示無上

◎極◎大

因緣二。特勸淨土殊勝。謂帶業往生。橫出三界。同居橫具四土。開顯四教法輪。眾生圓淨四土。

此◎科◎屬◎係◎

圓見三身圓證三不退。人民皆一生成佛如是等勝異超絕全在此二科點示須諦研之。丙今初

又舍利弗。極樂國土眾生纒生彼者皆是三阿鞞跋致。其退三不中多有一生補處。其數甚多。非是算數所能知之。但可以無量無邊阿僧祇說。

阿鞞跋致。此云不退一位不退。入聖流不墮凡地。二行不退。恆度生不墮二乘地。三念不退。心流入薩婆若海。若約此土藏初果。通見地別七住圓。

淨要一

彌陀要解

五九  
六〇

初信名位不退。通菩薩別十行圓十信名行不退。別初地圓初住名念不退。今淨土五逆十惡十念成就。帶業往生。居下下品者。皆得三不退。然據教道。若是凡夫。則非初果等。若是二乘。則非菩薩等。若是異生。則非同生性等。又念不退。非復異生行。不退。非僅見道位不退。非是人民蠶等。則成大妄。進步則捨故稱唯極樂同居一切俱非。一切俱是。十方佛土無此名相。無此階位。無此法門。非心性之極致。持名之奇勳。彌陀之大願。何以有此一生。

補處者此一生補佛位如彌勒觀音等極樂人民  
普皆一生成佛人人必實證補處故其中多有此  
等上善不可數知也復次釋迦一代時教唯華嚴  
明一生圓滿而一生圓滿之因則末後普賢行願  
品中十大願王導歸安養且以此勸進華藏海眾  
嗟乎凡夫例登補處奇倡極談不可測度華嚴所  
稟卻在此經而天下古今信鮮疑多辭繁義蝕余  
唯○有○剖○心○瀝○血○而○已○

丙二特勸

淨要一

彌陀要解

六一  
六一

舍利弗如上無上大事因緣眾生幸得聞者應當發願願生彼國  
所以者何得與如是不可算數諸上善人俱會一處

前羅漢菩薩但可云善人唯補處居因位之極故  
云上其數甚多故云諸也但會一處猶言凡聖同  
居尋常由實聖過去有漏業權聖大慈悲願故凡  
夫得與聖人同居石火電光至實聖灰身權聖機盡便升沈  
碩異苦樂懸殊乃暫同非究竟同也又天壤之間  
見聞者少幸獲見聞親近步趨者少又佛世聖人  
縱多如珍如瑞不能徧滿國土如眾星微塵又居

雖同而所作所辦則迥不同今同以無漏不思議  
多善根福德因緣  
 業感生俱會一處為師友如墮如籠同盡無明同  
得生彼國  
 登妙覺是則下凡眾生於念不退中超盡四十一  
 因位若謂是凡夫卻不歷異生必補佛職與觀音  
 勢至無別若謂是一生補處卻可名凡夫不可名  
方是極樂淨宗  
 等覺菩薩此皆教網所不能收刹網所不能例當  
實話  
 知吾人大事因緣同居一關最難透脫唯極樂同  
 居超出十方同居之外了此方能深信彌陀願力  
 信佛力方能深信名號功德信持名方能深信吾

人心性本不可思議也具此深信方能發於大願  
 文中應當二字即指深信深信發願即無上菩提  
 合此信願的為淨土指南由此而執持名號乃為  
 正行若信願堅固臨終十念一念亦決得生若無  
世有此輩以持名歷劫妄想不知求生  
 信願縱將名號持至風吹不入雨打不濕如銀牆  
故為極力道破  
 鐵壁相似亦無得生之理修淨業者不可不知也  
 大本阿彌陀經亦以發菩提願為要正與此同  
 乙三正示行者執持名號以立行二初正示無上

因果二重勸丙今初

舍利弗不可以少善根福德因緣得生彼國舍利弗若有善男子善女人聞說阿彌陀佛執持名號若一日若二日若三日若四日若五日若六日若七日一心不亂其人臨命終時阿彌陀佛與諸聖眾現在其前是人終時心不顛倒即得往生阿彌陀佛極樂國土

菩提正道名善根即親因種種助道施戒禪等名福德即助緣聲聞獨覺菩提善根少人天有漏福業福德少皆不可生淨土唯以信願執持名號則

一一聲悉具多善根福德散心稱名福善亦不可量况一心不亂哉故使感應道交文成印壞彌陀聖眾不來而來親垂接引行人心識不往而往托質寶蓮也善男女者不論在家出家貴賤老少六趣四生但聞佛名即多劫善根成熟五逆十惡皆名善也阿彌陀佛是萬德洪名以名召德罄無不盡故即以執持名號為正行不必更涉觀想參究等行至簡易至直捷也聞而信信而願乃肯執持不信不願與不聞等雖為遠因不名聞慧執持則

念念憶佛名號故是思慧然有事持理持事持者

可訂久謬

信有西方阿彌陀佛而未達是心作佛是心是佛

但以決志願求生故如子憶母無時暫忘理持者

信西方阿彌陀佛是我心具是我心造即以自心

所具所造洪名為繫心之境令不暫忘也一日至

七日者剋期辦事也利根一日即不亂鈍根七日

方不亂中根二三四五六日不定又利根能七日

不亂鈍根僅一日不亂中根六五四三二日不定

一心亦二種不論事持理持持至伏除煩惱乃至

淨要一

彌陀要解

六七  
六八

見思先盡皆事一心字字引商刻羽不論事持理持持至心開見

本性佛皆理一心事一心不為見思所亂理一心

不為二邊所亂即修慧也不為見思亂故感變化

身佛及諸聖眾現前心不復起娑婆界中三有顛

倒往生同居方便二種極樂世界不為二邊亂故

感受用身佛及諸聖眾現前心不復起生死涅槃

二見顛倒往生實報寂光二種極樂世界當知執

持名號既簡易直捷仍至頓至圓以念念即佛故

不勞觀想不必參究當下圓明無餘無欠上上根

不能踰其闕下下根亦可臻其域其所感佛所生

方是極樂淨宗

土往往勝進亦不一槩可謂橫該八教豎徹五時

李兼庚鮑之長故無礙

所以徹底悲心無問自說且深歎其難信也問觀

經專明作觀何謂不勞觀想答此義即出觀經彼

兼為觀經發蒙

經因勝觀非凡夫心力所及故於第十三別開劣

此念字謂觀想出觀經

像之觀而障重者猶不能念彼佛故於第十六大

開稱名之門今經因末世障重者多故專主第十

六觀當知人根雖鈍而丈六八尺之像身無量壽

佛之名字未嘗不心作心是故觀劣者不勞勝觀

淨要一 彌陀要解

六九 七〇

而稱名者並不勞觀想也問天奇毒峰諸祖皆主

參念佛者是誰何謂不必參究答此義即出天奇

諸祖前祖因念佛人不契釋迦徹底悲心故傍不

甘直下詰問一猛提醒何止長夜復旦我輩至今

之脫難窠日如此老作家

日猶不肯死心念佛苦欲執敲門瓦子向屋裏打

親生爺孃則於諸祖成惡逆非善順也進問此在

肯心者則可未肯者何得相應曰噫正唯未肯所

以要你肯心相應汝等正信未開如生牛皮不可

平常之極愚者未免驚其

屈折當知有目者固無日下然燈之理而無目者

孤峻所謂難信之法也

亦何必於日中苦覓燈炬大勢至法王子云不假  
方便自得心開此一行三昧中大火聚語也敢有  
觸者寧不被燒問臨終佛現寧保非魔答修心人  
不作佛觀而佛忽現非本所期故名魔事念佛見  
佛已是相應况臨終非致魔時何須疑慮問七日  
不亂平時耶臨終耶答平時也問七日不亂之後  
復起惑造業亦得生耶答果得一心不亂之人無  
更起惑造業之事問大本十念寶王一念平時耶  
臨終耶答十念通二時晨朝十念屬平時十念得

淨要一

彌陀要解

七一  
七二

生與觀經十聲稱名同屬臨終時一念則但約臨  
終時問十念一念並得生何須七日答若無平時  
七日工夫安有臨終十念一念縱下下品逆惡之  
人並是夙因成熟故感臨終遇善友聞便信願此  
事萬中無一豈可僥倖淨土或問斥此最詳今人  
不可不讀問西方去此十萬億土何得即生答十  
萬億土不出我現前一念心性之外以心性本無  
外故又仗自心之佛力接引何難即生如鏡中照  
數十層山水樓閣層數宛然實無遠近一照俱了

見無先後。從是西方過十萬億佛土，有世界名曰極樂。亦如是。其土有佛號阿彌陀。今現在說法。亦如是。其人臨命終時，阿彌陀佛與諸聖眾現在其前。是人終時，心不顛倒，即得往生阿彌陀佛極樂國土。亦如是。當知字字皆海印三昧大圓鏡智之靈文也。問持名判行，行則是助行，何名正行？答：依一心說信願行，非先後非定三。蓋無願行不名真信，無行信不名真願，無信願不名真行。今全由信願持名，故信願行三聲聲圓具，所以名多善根福。

德因緣。觀經稱佛名，故念念中除八十億劫生死之罪。此之謂也。若福善不多，安能除罪如此之大？問：臨終猛切能除多罪，平日至心稱名亦除罪否？答：如日出羣闇，消稱洪名，萬罪滅；問：散心稱名亦除罪否？答：名號功德，不思議，寧不除罪，但不定往生。以悠悠散善難敵，無始積罪故。當知積罪假使有體相者，盡虛空界不能容受。雖百年晝夜，彌陀十萬一聲滅，八十億劫生死，然所滅罪如爪上土，未滅罪如大地土。唯念至一心不亂，則如健人。



難無功。卽悟門深遠。操履潛確之人。儻分毫習氣。未除。未免隨強偏墜。永明祖師所謂十人九蹉路。陰境若現前。瞥爾隨他去。此誠可寒心者也。初果昧於出胎菩薩。昏於隔陰者。裏豈容強作主宰。僥倖瞞盱。唯有信願持名。仗他力故。佛慈悲願。定不唐捐。彌陀聖眾現前。懃導。故得無倒自在。往生佛見。眾生臨終。倒亂之苦。特爲保任。此事所以殷勤再勸發願。以願能導行故也。問佛旣心作心。是何不竟言自佛。而必以他佛爲勝。何也。答此之法門。

淨要一

彌陀要解

七七  
七八

全在了他。卽自若諱言他佛。則是他見。未忘若偏重自佛。卻成我見。顛倒又悉檀四益。後三益事不孤起。儻不從世界深發慶信。則欣厭二益。尙不能生。何況悟入理佛。唯卽事持達理持。所以彌陀聖眾現前。卽是本性明顯。往生彼土。見佛聞法。卽是成就慧身。不由他悟法門深妙。破盡一切戲論。斬盡一切意見。唯馬鳴龍樹智者。永明之流。徹底擔荷得去。其餘世智辯聰。通儒禪客。盡思度量。愈推愈遠。又不若愚夫婦老實念佛者。爲能潛通佛智。

暗合道妙也。我見是利。故說此言。分明以佛眼佛音印定此事。豈可違抗不善順入也哉。二正宗分竟。

甲三流通分。信願持名一法。圓收圓超一切法門。豎與一切法門。渾同橫與一切法門。迥異諸經。亦有橫義。乃隨斷或淺深。卽於同居見。上三土。是則約證名橫約斷。仍豎也。既無問自說。誰堪倡募流通。唯佛與佛。乃能究盡諸法實相。此經唯佛境界。唯佛佛可與流通耳。文爲二。初普勸。二結勸。乙初中三。初勸信流通。二勸

願流通。三勸行流通。丙初中二。初略引標題。二徵釋經題。丁初中六。初東方。至六上方。唐譯十方。今略攝故。戊今初。

舍利弗。如我今者。讚歎阿彌陀佛。不可思議功德之利。東方亦有阿閼鞞佛。須彌相佛。大須彌佛。須彌光佛。妙音佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等眾生。當信是稱讚不可思議功德。一切諸佛所護念經。

不可思議略有五意。一橫超三界。不俟斷惑。二卽

西方橫具四土非由漸證三但持名號不假禪觀  
 諸方便四一七為期不藉多劫多生多年月五持  
 一佛名即為諸佛護念不異持一切佛名此皆導  
 師大願行之所成就故曰阿彌陀佛不可思議功  
 德之利又行人信願持名全攝佛功德成自功德  
 故亦曰阿彌陀佛不可思議功德之利下又曰諸  
 佛不可思議功德我不可思議功德是諸佛釋迦  
 皆以阿彌為自也阿閼鞞此云無動佛有無量德  
 應有無量名隨機而立或取因或取果或性或相

淨要一

彌陀要解

八一

八一

或行願等雖舉一隅仍具四悉隨一一名顯所詮  
 德劫壽說之不能悉也東方虛空不可盡世界亦  
 不可盡世界不可盡住世諸佛亦不可盡略舉恆  
 河沙耳此等諸佛各出廣長舌勸信此經而眾生  
 猶不生信頑冥極矣常人三世不妄語舌能至鼻  
 藏頭果佛三大僧祇劫不妄語舌薄廣長可覆面  
 今證大乘淨土妙門所以徧覆大千表理誠稱真  
 事實非謬也標出經題流通之本什師順此方好  
 略譯今題巧合持名妙行契師譯云稱讚淨土攝

受經文有詳略義無增減

⑤二南方

舍利弗南方世界有日月燈佛名聞光佛大燄肩佛須彌燈佛無量精進佛如是等恆河沙數諸佛各於其國出廣長舌相徧覆三千大千世界說誠實言汝等眾生當信是稱讚不可思議功德一切諸佛所護念經

⑤三西方

舍利弗西方世界有無量壽佛無量相佛無量幢佛

淨要一

彌陀要解

八三  
八四

大光佛大明佛寶相佛淨光佛如是等恆河沙數諸佛各於其國出廣長舌相徧覆三千大千世界說誠實言汝等眾生當信是稱讚不可思議功德一切諸佛所護念經

無量壽佛與彌陀同名十方各方面同名諸佛無量也然即是導師亦可爲度眾生不妨轉讚釋迦如來所說

⑤四北方

舍利弗北方世界有燄肩佛最勝音佛難沮佛日生

佛網明佛如是等恆河沙數諸佛各於其國出廣長舌相徧覆三千大千世界說誠實言汝等眾生當信是稱讚不可思議功德一切諸佛所護念經

⑤五下方

舍利弗下方世界有師子佛名聞佛名光佛達磨佛法幢佛持法佛如是等恆河沙數諸佛各於其國出廣長舌相徧覆三千大千世界說誠實言汝等眾生當信是稱讚不可思議功德一切諸佛所護念經

此界水輪金輪風輪之下復有下界非非想天等

淨要一

彌陀要解

八五  
八六

乃至重重無盡也達磨此云法

⑥六上方

舍利弗上方世界有梵音佛宿王佛香上佛香光佛大燄肩佛雜色寶華嚴身佛娑羅樹王佛寶華德佛見一切義佛如須彌山佛如是等恆河沙數諸佛各於其國出廣長舌相徧覆三千大千世界說誠實言汝等眾生當信是稱讚不可思議功德一切諸佛所護念經

此界非非想天之上復有上界風輪金輪及三界

等重無盡也。問諸方必有淨土，何偏讚西方？答

妙答

此亦非善問。假使讚阿閼佛國，汝又疑偏東方，展

細研下答方知此問亦是戲論

轉戲論問，何不徧緣法界？答有三義：令初機易標

心故。阿彌本願勝故。佛與此土眾生偏有緣故。蓋

佛度生生受化，其間難易淺深，總在於緣。緣之所

願勝

標心

歡喜

生善

在，恩德弘深，種種教欣，能令歡喜，信入能令觸動

破惡

入理

宿種，能令魔障難遮，能令體性開發，諸佛本從法

身垂迹，固結緣種。若世出世悉不可思議，尊隆於

世界

為人對治

第一義

教，乘舉揚於海會，沁入於苦海，慈契於寂光，所以

淨要一

彌陀要解

八七  
八八

萬德欽承，羣靈拱極。當知佛種從緣起，緣即法界

一念一切念，一生一切生。一香一華一聲一色，乃

至受懺授記，摩頂垂手。十方三世莫不徧融，故此

增上緣，因名法界緣起。此正所謂徧緣法界者也。

本不出法界外

何以加

何

以

淺位人，便可決志專求。深位人，亦不必捨西方而

於法界

解千餘年之惑

別求華藏。若謂西方是權，華藏是實，西方小華藏

大者，全墮眾生徧計執情，以不達權實一體大小

無性故也。

了二徵釋經題

舍利弗於汝意云何稱讚功德之名上來已詳言矣何故名爲一切諸佛所護念經耶舍利弗若有善男子善女人聞是經受持者及聞諸佛名者是諸善男子善女人皆爲一切諸佛之所護念皆得不退轉於阿耨多羅三藐三菩提是故舍利弗汝等皆當信受我語及諸佛所說

此經獨詮無上心要諸佛名字並詮無上圓滿究竟萬德故聞者皆爲諸佛護念又聞經受持卽執持名號阿彌名號諸佛所護念故問但聞諸佛名

而未持經亦得護念不退耶答此義有局有通占察謂雜亂垢心雖誦我名而不爲聞以不能生決定信解但獲世間善報不得廣大深妙利益若到一行三昧則成廣大微妙行心名得相似無生法忍乃爲得聞十方佛名此亦應爾故須聞已執持至一心不亂方爲聞諸佛名蒙諸佛護念此局義也通義者諸佛慈悲不可思議名號功德亦不可思議故一聞佛名不論有心無心若信若否皆成緣種况佛度生等怨親無疲倦苟聞名必護念何

疑焉。然據金剛三論根熟菩薩爲佛護念位在別地。圓住蓋約自力必入同生性乃可護念。今仗他力故相似位卽蒙護念。乃至相似以還亦皆有通護念之義。下至一聞佛名於同體法性有資發力亦得遠因終不退也。阿耨多羅此云無上三藐三菩提。此云正等正覺卽大乘果覺也。圓三不退乃一生成佛異名。故勸身子等皆當信受聞名功德。如此釋迦及十方諸佛同所宣說。可不信乎。初勸信流通竟。

丙二勸願流通

舍利弗。若有人已發願。今發願。當發願。欲生阿彌陀佛國者。是諸人等。皆得不退轉。於阿耨多羅三藐三菩提。於彼國土。若已生。若今生。若當生。是故舍利弗。諸善男子。善女人。若有信者。應當發願。生彼國土。已願已生。今願今生。當願當生。正顯依信所發之願無虛也。非信不能發願。非願信亦不生。故云。若有信者。應當發願。又願者信之券行之樞。尤爲要務。舉願則信行在其中。所以殷勤三勸也。復次願

生彼國卽欣厭二門厭離娑婆與依苦集二諦所止皆淨宗指談世人多夢夢不了所以雖修無功

發二種弘誓相應欣求極樂與依道滅二諦所發

二種弘誓相應故得不退轉於大菩提道問今發有此義

願但可云當生何名今生答此亦二義一約一期有此義方

名今現生發願持名臨終定生淨土二約利那名方使一生要期非謬

今一念相應一念生念念相應念念生妙因妙果能深入一行三昧

不離一心如秤兩頭低昂時等何俟娑婆報盡方此卽理之事非徒

育珍池只今信願持名蓮萼光榮金臺影現便非論理

娑婆界內人矣極圓極頓難議難思唯有大智方

淨要一

彌陀要解

九三  
九四

能諦信

丙三勸行流通二初諸佛轉讚二教主結歎了今

初

舍利弗如我今者稱讚諸佛不可思議功德彼諸佛等亦稱讚我不可思議功德而作是言釋迦牟尼佛能為甚難希有之事能於娑婆國土五濁惡世劫濁見濁煩惱濁眾生濁命濁中得阿耨多羅三藐三菩提為諸眾生說是一切世間難信之法此句重在持名故是勸行

諸佛功德智慧雖皆平等而施化則有難易淨土

成菩提易濁世難為淨土眾生說法易為濁世眾生難為濁世眾生說漸法猶易說頓法難為濁世眾生說餘頓法猶易說淨土橫超頓法尤難為濁世眾生說淨土橫超頓修頓證妙觀已自不易說此無藉劬勞修證但持名號徑登不退奇特勝妙超出思議第一方便更為難中之難故十方諸佛無不推我釋迦偏為勇猛也劫濁者濁法聚會之時劫濁中非帶業橫出之行必不能度見濁者五利使邪見增盛謂身見邊見見取戒取及諸邪見

淨要一

彌陀要解

九五  
九六

昏昧汨沒故名為濁見濁中非不假方便之行必不能度煩惱濁者五鈍使煩惱惑增盛謂貪瞋癡慢疑煩惱亂故名為濁煩惱濁中非即凡心是佛心之行必不能度眾生濁者見煩惱所感麤弊五陰和合假名眾生色心並皆陋劣故名濁眾生濁中非欣厭之行必不能度命濁者因果並劣壽命短促乃至不滿百歲故名濁命濁中非不費時劫不勞勤苦之行必不能度復次祇此信願莊嚴一聲阿彌陀佛轉劫濁為清淨海會轉見濁為無量

光轉煩惱濁爲常寂光轉眾生濁爲蓮華化生轉  
命濁爲無量壽故一聲阿彌陀佛卽釋迦本師於  
盡希有哉五濁惡世所得之阿耨多羅三藐三菩提法今以  
此果覺全體授與濁惡眾生乃諸佛所行境界唯  
佛與佛能究盡非九界自力所能信解也諸眾生  
別指五濁惡人一切世間通指四土器世間九界  
有情世間也

丁二教主結歎前勸信流通是諸佛付囑此本師  
付囑語略別從通但云一切世間猶前諸佛

所云汝等眾生當知文殊迦葉等皆在所囑也  
舍利弗當知我於五濁惡世行此難事得阿耨多羅  
三藐三菩提爲一切世間說此難信之法是爲甚難  
信願持名一行不涉施爲圓轉五濁唯信乃入非  
思議所行境界設非本師來入惡世示得菩提以  
大智大悲見此行此說此眾生何由稟此也哉然  
此五段應與五必不能度之訓合觀吾人處劫濁中決定爲時所囿爲苦所徧處見濁  
中決定爲邪智所纏處煩惱濁中決定爲貪欲所  
陷惡業所螫處眾生濁中決定安於臭蕘而不能

洞覺甘於劣弱而不能奮飛處命濁中決定爲無常所吞石火電光措手不及若不深知其甚難將謂更有別法可出五濁燧焯宅裏戲論紛然唯深知其甚難方肯死盡偷心寶此一行此本師所以極口說其難甚而深囑我等當知也初普勸竟

乙二結勸

佛說此經已舍利弗及諸比丘一切世間天人阿脩羅等聞佛所說歡喜信受作禮而去

法門不可思議難信難知無一人能發問者佛智

淨要一

彌陀要解

九九

鑒機知眾生成佛緣熟無間自說令得四益如時雨化歡喜從世界悉檀得益毫無疑惑名信領納不忘名受從爲人對治得益投身歸命契入法界緣起名作禮從第一義得益然一一益中互具四益姑作如此分別耳上是自行四益一往不退報恩流通名爲而去盡未來際化他四益無盡也經云末法億億人修行罕一得道唯依念佛得度嗚呼今正是其時矣捨此不思議法門其何能淑旭出家時宗乘自負藐視教典妄謂持名曲爲中

○現身說法

下後因大病發意西歸。復研妙宗圓中二鈔及雲棲疏鈔等書。始知念佛三昧實無二寶。王方肯死心。執持名號。萬牛莫挽也。吾友去病久事淨業。欲令此經大旨辭不繁而炳著。請余為述要解。余欲普與法界有情同生極樂。理不可卻。舉筆於丁亥九月二十有七脫藁。於十月初五凡九日告成。所願一句一字咸作資糧。一見一聞同階不退。信疑皆植道種。讚謗等歸解脫。仰唯諸佛菩薩攝受。證明同學友人隨喜加被。西有道人蕩益智旭閣筆。

淨要一

彌陀要解

一〇一  
一〇二

故跋時年四十有九

佛說阿彌陀經要解

原跋

經云。三界唯心。萬法唯識。古人云。念自性彌陀。生唯心淨土。合觀之。是心作佛。是心是佛。心外無佛。佛外無心之義明矣。後人不達。捨西方極樂。別言唯心淨土。捨萬德慈尊。別言自性彌陀。不幾心外有佛。佛外有心耶。靈峰大師深悟心性無外之體。特為此經拈出要解。一展讀時。

信願持名人可自操其券不唯言簡意周且使  
希有甚難之宗如聲鼓鐸盡開經藏無復匱藏  
誠古今所未有也名曰要解其斯爲無上心要  
矣乎古吳淨業弟子正知去病氏謹識

歙浦講錄跋

此本係性旦癸巳歲在歙浦栖雲院所聽錄者  
於時隨允持循蒼暉晟堅密時諸公之後獲聞  
法要覺老人此翻心膽盡吐蓋祕密之藏會當  
大啟於今時非偶然也因退而紀之甲午冬老

人病中口授數處令改正此本遂稱允當及老  
人西逝性旦以病拙藪逋薄福多障無緣流通  
闡播聊識其後以誌不忘云庚子夏華陽學人  
性旦拭涕跋

先考蓉菴府君居官居鄉行善不倦晚年益信  
仰淨土年七十七彌留之際命家人齊聲念佛  
自遂念佛以終煖頂示相略慰慕懷聞嘗竊念  
彌陀慈尊大德弘願無量無邊明藕益大師於  
經文二鈔之外闡明要解使初機讀之階其信

願導其深入得金陵刻經處刻印流通其功益溥茲因刻印日久板漸模糊正謀新梓以廣流傳謹爲資助刻成倘能稍結善緣回向先君早生極樂則幸甚矣中華民國二十一年夏古華程廷煦謹附識

程廷煦施洋一百元

徐子潔施洋十元

刻彌陀經要解全卷連加圈計合字二萬二千

淨要一

彌陀要解

一〇五  
一〇六

零九十四個又加工刻旁注小字合共洋一百十元付訖

民國二十一年夏月金陵刻經處識

